

Bosna i Hercegovina - Federacija Bosna i Hercegovina  
Kanton Sarajevo - Grad SARAJEVO  
Gradsko vijeće

PRISLUTOST		1. D. NOV 2021	
Org. jed.	Broj	Opis predmeta	
01-GV-09	1420	21	

**GRAD SARAJEVO - GRADSKA UPRAVA**  
**Merima Hadžiabdić, državna službenica**  
Hamdije Kreševljakovića 3  
71 000 Sarajevo  
Mob.: + 387 61 798 186  
E-mail: [merima.hadziabdic@sarajevo.ba](mailto:merima.hadziabdic@sarajevo.ba)  
Sarajevo, 10.11.2021. godine

**GRAD SARAJEVO - GRADSKO VIJEĆE**  
**KOMISIJA ZA LJUDSKA PRAVA I SLOBODE**  
Hamdije Kreševljakovića 3  
71 000 Sarajevo

**PREDMET: Zahtjev za učešće u radu Komisije za ljudska prava i slobode**

Aktom od 15.10.2021. godine od predsjedavajućeg Gradskog vijeća Grada Sarajevo tražila sam da mi se dostavi kopija zapisnika i ostale relevantne dokumentacije sa sjednice Komisije za ljudska prava i slobode na kojoj je razmatrana Obavijest o nerealizaciji Preporuke Institucije ombudsmena za ljudska prava BiH, broj P-66/21 od 24.02.2021. godine, a koja je donesena po mojoj žalbi (u prilogu akt od 15.10.2021. godine).

Aktom Gradskog vijeća Grada Sarajevo, broj: 01-GV-04-1265-1/21 od 20.10.2021. godine, kao odgovor na moj zahtjev, dostavljeno je:

- Zapisnik o radu četvrte sjednice Komisije za ljudska prava i slobode, održane 16.07.2021. godine (u prilogu - potpisana kopija), te
- Akt predsjedavajućeg Komisije za ljudska prava i slobode Gradskog vijeća, upućen Instituciji ombudsmena za ljudska prava BiH, broj: 04-GV-04-682-1/21 od 16.07.2021. godine (u prilogu - potpisana kopija).

U navedenom Zapisniku, pod tačkom 2., usvojen je zaključak:

*Komisija za ljudska prava i slobode Gradskog vijeća Grada Sarajeva je razmotrila Obavijest o nerealizaciji Preporuke Ombudsmena za ljudska prava Bosne i Hercegovine broj P-66/21 od 24.02.2021. godine, broj: Ž-SA-05-100/21 od 04.05.2021. godine, te temeljem informacije pomoćnice gradonačelnice za opću upravu i zajedničke poslove Melihe Olovčić došla do saznanja da je postupljeno u cjelosti po preporuci Institucije ombudsmena za ljudska prava Bosne i Hercegovine koja je predmet razmatranja Komisije, te će o navedenom predsjedavajući Komisije obavijestiti Instituciju ombudsmena.*

Da je postupljeno po Preporuci, kao dokaz, Komisiji bi bilo dostavljeno:

- Rješenje kojim se odobrava pristup informacijama - dostava kopija pravilnika o sistematizaciji radnih mjesta za period 2017. - 2021. godina, u skladu sa Zakonom o slobodi pristupa informacijama FBiH, te
- Rješenje kojim se odobrava pristup informacijama - dostava pravilnika o korištenju mobilnih telekom usluga u Gradskoj upravi Grada Sarajeva, također u skladu sa Zakonom.

Zakonom o slobodi pristupa informacijama (Službene novine Federacije BiH, broj: 32/01, 48/11) u članu 14. propisano je:

*(2) Kada nadležni javni organ odobri pristup informaciji u cjelosti ili djelomično, **rješenje o tome dostavlja podnosiocu zahtjeva.***

Takva rješenja nisu donesena, te time Preporuka P-66 nije ispoštovana. U Preporuci je utvrđeno da ***javni organ nije postupio shodno odredbama Zakona o slobodi pristupa informacijama u FBiH, čime je prekršen član 4., 5., 9., 14. i 19. istog Zakona*** (u prilogu Preporuka P-66, strana 7. Preporuke).

U skladu s tim, ombudsmeni su dali ***Preporuku gradonačelniku da, imajući u vidu odredbe Zakona o slobodi pristupa informacijama u FBiH poduzme odgovarajuće aktivnosti i mjere kako bi se u postupcima po prigovoru u konkretnim predmetima, kao i u budućim postupanjima pred istim organom ispunile pravne pretpostavke, te implementirale odredbe Zakona, a u skladu s Preporukom.***

Upravo suprotno, donesena su rješenja kojima se odbija pristup informacijama u ***postupcima po prigovoru i to nakon donošenja Preporuke kojom je upravo preporučena implementacija odredbi Zakona o slobodi pristupa informacijama*** (u prilogu kopije rješenja kojima se odbija pristup informacijama).

Institucija ombudsmena za ljudska prava BiH je, ***iz razloga nepostupanja po Preporuci od strane gradonačelnika***, uputila akt Gradskom vijeću Grada Sarajeva, kao neposredno višem organu ***s ciljem poduzimanja konkretnih mjera u cilju realizacije Preporuke*** (u prilogu akt Institucije ombudsmena za ljudska prava BiH upućen Gradskom vijeću Grada Sarajeva).

Shodno svemu navedenome, neistinite su informacije pomoćnice gradonačelnice za opću upravu i zajedničke poslove Melihe Olovčić ***temeljem kojih je Komisija za ljudska prava došla do saznanja, bez dokaza***, da je Preporuka P-66 u cjelosti ispoštovana čime je Komisija dovedena u zabludu.

Također, akt predsjedavajućeg Komisije upućen Instituciji ombudsmena za ljudska prava BiH ne odgovara istini i šteti ugledu Grada Sarajeva, kako radi nepoštovanja preporuka Institucije ombudsmena, tako i dostavljanjem akata koji ne sadrže istinite informacije.

Obzirom da sam u konkretnom slučaju bila podnositeljica žalbe, ***a posebno što ovakav zaključak ne odgovara istini, niti je Komisiji ponuđen dokaz da je u cjelosti postupljeno po preporuci Institucije ombudsmena***, predlažem da se na Komisiji za ljudska prava i slobode utvrdi sljedeće:

1. Gradonačelnik Sarajeva nije izvršio Preporuku P-66, kojom su ombudsmeni za ljudska prava BiH utvrdili da su prekršene odredbe Zakona o slobodi pristupa informacijama FBiH, kao i povrijeđeno pravo žaliteljice Merime Hadžiabdić na djelotvoran pravni lijek koje spada u osnovna ljudska prava,
2. Institucija ombudsmena za ljudska prava BiH je, iz razloga nepostupanja po Preporuci od strane gradonačelnika, uputila zahtjev Gradskom vijeću Grada Sarajeva, kao neposredno višem organu, s ciljem poduzimanja konkretnih mjera u cilju realizacije Preporuke P-66,
3. Komisija za ljudska prava i slobode Gradskog vijeća Grada Sarajeva nije mogla poduzeti konkretne mjere u cilju realizacije Preporuke P-66, iz razloga što je pomoćnica gradonačelnice za opću upravu i zajedničke poslove Meliha Olovčić informisala Komisiju da je postupljeno u cjelosti po Preporuci Institucije ombudsmena za ljudska prava BiH,
4. Pomoćnica gradonačelnice za opću upravu i zajedničke poslove Meliha Olovčić nije iznijela istinite informacije u vezi provođenja Preporuke P-66, na četvrtoj sjednici Komisije, održanoj 16.07.2021. godine, jer nisu donesena rješenja o pristupu informacijama u skladu sa Zakonom o slobodi pristupa informacijama FBiH, čime bi Preporuka P-66 bila ispoštovana,
5. Na osnovu neistinite informacije pomoćnice gradonačelnice za opću upravu i zajedničke poslove Melihe Olovčić, predsjedavajući Komisije za ljudska prava i slobode obavijestio je Instituciju ombudsmena za ljudska prava i slobode BiH da je Komisija informisana o postupanju po Preporuci P-66 u cjelosti.

Shodno navedenome, tražim da prisustvujem sjednici Komisije u cilju potpunog i istinitog informisanja u vezi Preporuke P-66 Institucije ombudsmena za ljudska prava BiH koja je donesena na osnovu moje žalbe, a koja nije ispoštovana od strane gradonačelnika Sarajeva.

  
**Merima Hadžiabdić**

**Prilozi:**

- Zahtjev upućen predsjedavajućem Gradskog vijeća Grada Sarajeva od 15.10.2021.
- Akt Gradskog vijeća Grada Sarajeva, broj: 01-GV-04-1265-1/21 od 20.10.2021. godine
- Preporuka broj: P-66, od 24.02.2021. godine
- Rješenje o odbijanju zahtjeva za pristup informacijama, broj: 01/04-30-221-3/21 od 10.02.2021. godine
- Rješenje o odbijanju zahtjeva za pristup informacijama, broj: 01/04-30-148-1/21 od 11.02.2021. godine
- Rješenje o odbijanju prigovora, broj: 01/04-30-221-4/21 od 02.03.2021. godine
- Rješenje o odbijanju prigovora, broj: 01/04-30-148-3/21 od 02.03.2021. godine
- Akt Institucije ombudsmena za ljudska prava BiH upućen Gradskom vijeću Grada Sarajeva, broj: Ž-SA-05-100/21 od 04.05.2021. godine